



Borgarráð

ReykjavíkurAkademían - samstarfssamningur 2020-2022

Lagt er til að borgarráð samþykki meðfylgjandi drög að samstarfssamningi við ReykjavíkurAkademiuna fyrir árin 2020-2022. Fjárskuldbinding Reykjavíkurborgar vegna samningsins verði 3 mkr. sem greiðast af kostnaðarstað 09510, ýmsar samningsbundnar greiðslur.

Greinargerð:

Tilgangur samningsins er gagnkvæmur ávinningur, þar sem Reykjavíkurborg styrkir starf ReykjavíkurAkademiunnar, rannsóknarstofnunar og nýsköpunarseturs í menningar-, hug- og félagsvísindum sem á móti veitir Reykjavíkurborg ráðgjöf og sérfræðiaðstoð um einstök verkefni á þeim sviðum sem RAses leggur sérstaka áherslu á og endurspeгла sérþekkingu innan hennar. Reykjavíkurborg styrkir RAses í þeim tilgangi að auðga fræða- og menningarstarf og að standa fyrir uppbyggingu sjálfstæðs menningar- og fræðasamfélags í Reykjavík.

Dagur B. Eggertsson

Hjálagt:

Drög að samstarfssamningi Reykjavíkurborgar og ReykjavíkurAkademiunnar fyrir árin 2020-2022.

Reykjavíkurborg, kt. 530269-7609, Ráðhúsi Reykjavíkur, Tjarnargötu 11 og ReykjavíkurAkademían ses (hér eftir RAses), kt. 500506-0240, Þórunnartúni 2, 105 Reykjavík, gera með sér eftirfarandi

Samstarfssamning

1. gr. Tilgangur og gildissvið

Tilgangur samningsins er gagnkvæmur ávinningur, þar sem Reykjavíkurborg styrkir starf RAses rannsóknarstofnun og nýsköpunarsetur í menningar-, hug- og félagsvísindum sem á móti veitir Reykjavíkurborg ráðgjöf og sérfræðiaðstoð um einstök verkefni á þeim sviðum sem RAses leggur sérstaka áherslu á og endurspeglar sérþekkingu innan hennar. Reykjavíkurborg styrkir RAses í þeim tilgangi að auðga og efla fræða- og menningarstarf og að standa fyrir uppbyggingu sjálfstæðs menningar- og fræðasamfélags í Reykjavík.

2. gr. Samningsverkið

Fjárstyrk Reykjavíkurborgar til RAses er ætlað að styrkja starf RAses í því skyni að vinna að markmiðum skv. 1. gr. Reykjavíkurborg kynnir þjónustu RAses innan borgarkerfisins. Samið skal sérstaklega um stærri verkefni sem RAses vinnur fyrir Reykjavíkurborg.

3. gr. Fjárhagsskuldbindingar og greiðslur

Samningur þessi gildir fyrir árin 2020, 2021 og 2022 og greiðir Reykjavíkurborg RAses kr. 3.000.000 fyrir framangreinda þjónustu.

Skal féð notað með eftirfarandi hætti:

- Kr. 700.000 renna til rekstrar RA. Innifalið í upphæðinni er aðgengi Reykjavíkurborgar að fundaraðstöðu hjá RA þegar hún er laus. Miðað er við 5-6 fundi á mánuði.
- Allt að kr. 300.000 renna til þjónustuverkefna RA fyrir Reykjavíkurborg.

Greiðsla fyrir árin 2020 og 2021 skal fara fram í lok árs 2021, samtals kr. 2.000.000. og greiðsla fyrir árið 2022 skal fara fram í lok árs 2022, samtals kr. 1.000.000. Greiðsla skal fara fram gegn framvísun reiknings. Reikningurinn skal stílaður á Reykjavíkurborg, kt. 530269-7609. Nafn RAses, kennitala og heimilisfang skal einnig koma fram á reikningnum sem skal vera með fyrirfram prentuðu númeri.

4. gr. Ábyrgðaraðilar og tengiliðir

Umsjón og eftirlit með framkvæmd samnings þessa annast skrifstofa borgarstjóra og borgarritara hjá Reykjavíkurborg og framkvæmdastjóri RAses sem er tengiliður við Reykjavíkurborg.

5. gr. Eftirlit, eftirfylgni og kynningarmál

Að loknu starfsári árunna 2020, 2021 og 2022 skal RAses skila Reykjavíkurborg árituðum ársreikningi og greinargerð um ráðstöfun fjárframlags Reykjavíkurborgar ásamt framvindu þessa samstarfssamnings. Skil eru í síðasta lagi þann 1. nóvember 2021, 1. júní 2022 og 2023. Í samræmi við samþykkt borgarráðs frá 26. maí 2016 skal styrkþegi í greinargerð um ráðstöfun fjárframlags skila kyngreindum gögnum um þá sem eftir atvikum veita eða njóta tiltekinnar þjónustu eða gæða vegna

styrkveitingarinnar og sérstaklega verði greint frá því hvaða áhrif framlagið hefur á stöðu jaðarsettra hópa fólks sbr. mannréttindastefnu Reykjavíkurborgar.

Stefnt er að því að halda einn samráðsfund samningsaðila eigi síðar en í október á hverju samningsári. Þar skal farið yfir framkvæmd samningsins og eftir þörfum framkvæmd einstakra verkefna.

RAses skal halda kynningu á því verki sem fjárveiting fór til án sérstakrar þóknunar sé eftir því óskað af Reykjavíkurborg. RAses skal í kynningum á styrktum verkefnum geta þess að þau séu styrkt af Reykjavíkurborg.

6. gr. Eignarréttur, höfundarréttur og trúnaður

Reykjavíkurborg er eigandi gagna sem til verða við vinnslu verkefna samkvæmt samningi þessum. Þeim má ekki dreifa eða afhenda án heimildar Reykjavíkurborgar sem á höfundarrétt hugverka og útgáfurétt rita nema um annað sé samið sérstaklega.

Samningsaðilar skulu virða sem trúnaðarmál allar þær upplýsingar um starfsemi gagnaðila sem þeir kunna að öðlast við framkvæmd samnings þessa, enda séu þær ekki almennt þekktar eða hafi verið gerðar opinberar. Sama gildir um annað það sem aðilar verða áskynja um meðan á samstarfinu stendur eða það sem leynt skal fara samkvæmt lögum eða fyrirmælum Persónuverndar. Þagnarskyldan helst eftir samningslok.

7. gr. Fyrirvarar, vanefndir og meðferð deilumála

Samningur þessi er gerður með fyrirvara um samþykki borgarráðs og með fyrirvara um fjárheimildir samkvæmt fjárhagsáætlun Reykjavíkurborgar.

Reykjavíkurborg áskilur sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu RAses. Telji annar samstarfsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef ekki tekst að endurskoða verkefnaáætlun þannig að markmiðum samningsins verði náð er Reykjavíkurborg heimilt að fella niður greiðslur til RAses eða rifta samningnum. Ef fjárframlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berhögg við markmið og stefnu Reykjavíkurborgar áskilur Reykjavíkurborg sér rétt til að rifta samningnum og/eða krefjast endurgreiðslu framlagsins að hluta eða öllu leyti þegar í stað.

Rísi mál vegna efnda samningsins skal það rekið fyrir Héraðsdómi Reykjavíkur.

8. gr. Framsal

RAses er óheimilt að framselja skyldur sínar samkvæmt samningi þessum án samþykkis Reykjavíkurborgar. Samningur þessi er gerður í tveimur eintökum og heldur hvor aðili sínu eintaki.

Reykjavík, [DAGS.]

F.h. ReykjavíkurAkademíunnar ses

F.h. Reykjavíkurborgar

Vottar að rétttri undirskrift, dagsetningu:

Nafn

kt.

Nafn

kt.

DRÖG